

沈乃文主編

明別集叢刊 第二輯

第十冊

黃山書社





国家出版基金项目
NATIONAL PUBLICATION FOUNDATION


『十二五』國家重點圖書出版規劃項目
2011—2020 年國家古籍整理出版規劃重點項目

沈乃文 主編

明別集叢刊 第二輯

第十冊

黃山書社



(明) 徐禎卿 著

徐昌穀全集十六卷

明萬曆四十七年松濤閣刻本

重刻迪功徐昌穀全集叙

長洲周文萃孔章

國家右文之治媲美成周凌軼唐漢
中天景運迄弘德間人文賁出於時
四名家杰狀鼎峙為海內宗匠共標
為何李徐邇云蓋仲默鸞翔于信陽
獻吉鳳舉于北地庭寔鶴志于齊魯

徐昌穀集叙

一

而大江以東振藻風雅則吾蘇為最
先生實領袖焉先生沒而宇內人士
咸景述之景述不已而又俎豆之是
先生之經濟在文章德業在著作初
不以其位秩之崇卑也鴻詞偉撰膾
炙菰林始廣陵袁氏購其初稿寄訂
于北地李獻吉遂刻諸豫章官署刊

為集桐鸞鵠花間野興自慙五集四
別稿其胤嗣伯氏再輯遺藁刻之藏
於家祠尋為蠻攸取燬迨萬曆中
城傅公以文治令吾吳低徊祠下
仰先生高烈廼索袁氏之刻與家祠
之燼而刪訂之為正外兩集自是
而先生之藁獲表章于時詳於

徐昌穀集叙

二

伯仲之叙次矣夫何歲月駛遷風
失護豫章之刻已付烏有傳侯之梓
又落塵鄺一日余過許野見有夷為
酒家盡屠家几者嗟乎昭陵一殉室
深想乎蘭亭論衡不存孰發奇於
帳先生以一代人文身後之澤僅得
之爰為尺幅而湯臧于寒灰刀沾

侵尋可勝懷於余生平有二癡一曰
衆石癡探幽歷絕不如阮生之窮途
不止一曰攷古癡搜遺墓遠不若興
宗之經畫不止勝懷憑弔止謀發先
生之枕秘會余及袁德輝坐次語及
先生之曾孫善長君有藏本在因建
請之更為類校凡豫章所未收博採

徐昌穀集叙

三

以刪纂者註旁收而合壽之梓若
詩文之混與魯之訛復為詮次考稽
俾世之參四名者得先生之集以
備一家而披先生之集者得條理之
節以便觀閱間亦弗遺前賢諸序
先生著述賴未興廢因緣恍然睹
是余癡病中之深意也敢自附為晚

生之功臣哉敢自附為先生之功臣
於昔萬曆己未重陽日書于長干
流梵僧寮



徐昌穀集叙

四

錄李獻吉題徐迪功集序

徐迪功集六卷并談藝錄子容寄我豫章予卽豫章刊焉印傳同好意表迪功文云初迪功亡京師也予在梁子容計予曰昌穀遺言子序其遺文於是手其文獻歎久之曰嗟乎予忍序吾友文耶麟鳳芝實世所希遘見遘見之而遽天滅亡也天生之故奪之耶抑生不生生而脩或短非天所諳哉迪功以文賦起吳中十數年間驚翔而虎變彬彬乎出人士前矣然竟輒軻天滅亡也凡此天果弗諳之耶乃予觀李唐

徐昌穀全集 卷一 序一

人李杜輒軻勃賀則天未始不憐才流涕也然猶冀代足寬解孰謂親遘見之如迪功者云客曰氣稟斯漓三代以後聖人罕生孔子以周末故不得位其大可占其細若是則魏徵將爲鬼魅之說非耶容曰群體迪功奚以之也予曰談藝錄備矣夫追古者未有不先其體者也然守而未化故蹊徑存焉雖然辭榮而耽寂浮雲富貴慷慨俯仰迪功所造詣予莫之竟究矣今詳其文溫雅以發情微婉以諷事爽暢以達其氣比興以則其義蒼古以蓄其詞議擬以一

其格悲鳴以泄不平參伍以錯其變該物理人道之懿聞幽別與紀記名寔卽有蹊徑厥儼鮮已修短細大又曷論不載迪功履歷以別有志述北郡李夢陽序

錄李獻吉題徐迪功別藁序

徐氏別藁五卷吳郡徐昌穀所著皆未第時語也予見昌穀談藝錄及古賦歌頌謂其有自得之妙及覽斯藁顧殊不類何也木之始必萌泉之始必藏者使然也斯藁殆其杈與乎夫然則何以不刪者

徐昌穀全集 卷一 序二

德以言文者言之華也斯殆以自考乎聞問諸昌穀昌穀曰噫子其知予哉請書之以警予志予因錄其書之卷各有名曰鸚鵡曰焦桐爲上帙曰花前曰野興曰自慚爲下帙爲詩凡二百二十有七爲文凡一十有八云弘治乙丑秋九月一日北郡李夢陽題

錄傅伯俊題徐迪功集序

不佞手披迪功先生集也必先談藝錄云抑何言之雅則而精深哉或有疑其行之弗逮也間讀其詩騷又憲章三百律襲漢魏濯祇平六朝躬自蹈于開元

天寶間也至是而識其行之如其言乎不佞嘗謂詩至于唐謂盡善也以唐論詩非高論也唐之作者雖不曰李杜哉今之學詩者亦孰不曰李杜哉曰李杜則身為白而身為甫矣何乃規規乎取曰之言而則之取甫之言而效之哉亦惟于李杜之所以憲章律襲之者而是則是效庶幾乎陶鑄二家成一家言矣不然鮮不卑之而何李杜云乎哉持是而可與迪耳先生談藝矣嗚呼豈不欲談晉以後藝哉政自不耳先生生長荆吳一旦出而與中原多士角選卷徐昌穀全集 卷一 序三

幟于北地信陽之間與二子鼎足而居多士者至靡耳豈先生別有奇韜秘略而為之無敵哉要不出乎談錄中語也則斯集也可少乎哉不佞之令吳也嘗俎豆先生于祠屋矣每歎斯集之日就磨滅也金許墅權部郎右川張公見田杜公藏餘稅數緡于縣大夫劉泉郭先生勸裝以鏤斯集而都尉左虞張君復惠以善本至不佞乃命工不一月而落成之夫豈能遂為先生不朽計哉亦成諸公之美而存不佞向慕之一念云爾萬曆甲申六月望知吳縣事聊城傅

光宅伯俊甫撰

錄傅伯俊題徐迪功外集序

迪功集六卷乃徐先生手自定寄空同于豫章咸精當无可竄不佞重梓之以傳矣郭侍御謂外集別集何不合梓使无遺珠不佞間取讀之而竊有意焉外集出皇甫子安所選較豫章本亦駁駁合作矣別集則刻于袁氏世稱文章江左家家玉煙月揚州樹樹花是其警句也餘多稚年綺語尚沿吳習猥然名槩傳而不知瑕瑜不類也弁山公嘗評之曰無瑕徐昌穀全集 卷一 序四

淮貴後向人稱其屠狗吹簫為佳事寧不泚頰譽其其取譬矣不佞簡書之暇于外集稍刪之十存九其別集精選之十去八計得百五十首文十二首為附卷附六卷後先生平生心力庶幾盡于茲乎噫世江河大雅淪溺不存砥柱曷迴狂瀾先生一時之鴻撰非詩人千古之懿矩哉片辭隻字固所千金微纖類厥亦敝帚子安重遺知難之恨子循不廢過嚴之說良有以也乃存二皇甫序而仍以外集之名不佞滂加重選云爾萬曆甲申立秋日東郡傅光宅題

錄徐題徐迪功集序

右迪公集六卷吾友故國子博士昌穀徐君之作也予嘗校焉以寄獻吉遂刻諸豫章然吾鄉大夫士猶不多見于是昌穀之子伯虬復刻之家塾云初昌穀甫弱冠游郡庠卽工古文詞知所嚮往談藝錄其也既舉進士與獻吉諸君子游而藝益工其寄興造豈止是耶雖然是亦足以傳矣正德庚辰春三月郡人徐縉識

徐昌穀全集 卷一 序五

錄顧東橋題徐迪公集序

自吾友迪功君之亡未嘗不臨文與哀獨存至今復何見古人哉今所傳談藝錄一卷遺文大卷混涵造化陶冶風雅斯一家之名言矣開明之吉乃云守而未化故蹊徑存焉豈其然與豈其然與嗣子進士伯虬屬余贊述于墓銘卷後適有賸焉不能構思乃書此歸之併錄舊所往來詩三章用存明之好云爾 前年共飲燕京酒高樓雪花三尺厚酣歌徹夜驚四隣世事浮沉果何有一爲法吏少青

來心結愁雲慘不開昨傳學省移新籍坐牖空齋日几回 舊愛張廷尉今知鄭廣文高情疎法網麗藻播詞芬臺省兩何戀交親殊有聞南樓望明月一惜離羣 楊子翛然居學省閉門安坐日談玄共嗟朝市畱真隱轉見風流勝昔賢深巷馬嘶聞過客古臺花發動韶年逢君却愧塵埃悞苦憶江南種秫園嘉靖七載戊子秋東橋居士顧璘書

錄文衡山題別藁中焦桐集序

焦桐集者吾友徐昌穀別錄其近體詩也昌穀東粵徐昌穀全集 卷一 序六

慘染爲漢魏五言莫不合作非其所甚好而爲之輒工蓋其才性特高年甚少而所見最的于唐諸名家獨喜劉賓客白大傳高哦雋諷倦焉如懷于是會振其腴以成一家言而漸濯蔓靡劉芟陳爛誦之冷然意消其六至矣而或者猶病其多悲憂感激之語於戲昌穀操其所長宜被當世賞識而尚羈束于校官悽悽褐素退就諸生之列使不得一伸咼所有雖欲強顏排解作爲閒適之辭得乎披是詩者尚知其命編之意云皇明嘉靖甲午秋九月旣望吳郡文徵明

衡山撰

錄皇甫子安題徐迪功外集序

僕昔耽藝寃作者之林卓彼徐君雅擅音藻岩樓暇日徵訪遺文得徐君詩百餘篇于其家予刪其半刻之爲迪功外集徐君有集六卷刻于豫章北郡李子序之所云守而未化蹊徑存焉者也集君手自選定予所得百餘篇者皆其棄餘然尚多可采今謂棄者弗逮也又所次存綴厥微詭於流轍庶異而惟君萃郁其思天然特稟尤長賦頌之文其辭用

徐昌穀全集 卷一 序七

蓋自漢魏以迄開元天寶之盛無弗窺也夫詩之藝獨異衆體作者韻度鮮朗情言超瑩而原其趨之以神要其構極之以變考則古昔往往冥契嘗謂徐君之於詩可以繼軌二晉標冠一代斯不誣矣夫并包衆美言務合矩檢而不隘放而不踰斯述藻之善經也奚取于守化而暇詆其未至哉始君弱冠爲文賦卽可垂世而人莫知之然於詩未爲工而榆塞嘆西閭吟等篇則旣藻麗如梁陳間語顧人弗稱卽他詩最纖下者輒稱之不置而其人沉淡不競釋褐

交李子最昵時宰屬君代爲之文君揮之弗顧以此坎壈終其身李子當弘治正德間刻意探古聲赫然君與辨析追琢日苦吟若狂毋各榮訾卒所成就多得之李子而其知君顧未盡况非李子哉古曰知難久矣夫諒哉悲矣吳郡皇甫濬子安序

錄皇甫子循題徐迪功外集序

徐氏迪功集六卷爲君手自定正空同李子刻于豫章或曰李子稍芟損之其說出于少谷鄭子由今觀之徐集獨綜菁英莫可瑕類非其佳穢自擇取焉

徐昌穀全集 卷一 序八

嚴乎家兄山居搜逸稿于元子伯虬題嘆曰丹雘掩華蘭以薰奪氣顧變態不窮豈形質變絕者幾遇選而刻之題曰外集勒爲二卷昔人謂長門上林殆非一家之言洛神池鴈便成二體之作若夫窺苦心於初構究條理于終篇推廣厥致無害並存矧操龍泉以議割持夜光而論照卽千載端拜曠若神對孰謂後世無相知定吾文者耶嘗考論弘德之間李何諸子追述大雅取裁風人一時藝林作者響臻同好景附咸足騁海內而徐君亦獨步江左矣然而意

見柵鑿造諸堂室耻凌好勝詆訶生焉君兼尚玄虛
守寂寞祿位不顯聲稱亦微毛嬙雖艷不悅于凡鳥
陽春誠麗寡和于巴人李子未化之談家兄知難之
歎可合而觀矣今或未辨音節罕閑興寄剽綴靡辭
詭于風雅俗方貴耳群起吠聲辟燭火之焰其能爭
光于日月乎此君山知玄經之必傳中郎抱論衡而
秘玩者也詩之品藻二序詳焉余故不多評云吳郡
皇甫汈子循撰

徐昌穀全集 卷一 序九

徐昌穀全集總目

卷之一

賦

凡壹拾首

卷之二

歌行

凡壹拾參首

卷之三

歌行

凡貳拾伍首

卷之四

五言古詩

凡肆拾首

徐昌穀全集

卷一 總目

右第壹帙

卷之五

五言古詩

凡叁拾柒首

卷之六

五言排律

凡壹拾貳首

卷之七

五言律詩

凡陸拾柒首

卷之八

五言絕句

凡叁拾壹首

卷之九

七言古詩	凡貳拾肆首	
七言排律	凡貳首	右第貳帙
卷之十		
七言律詩	凡肆拾壹首	
卷之十一		
七言律詩	凡叁拾玖首	
卷之十二		
七言絕句	凡捌拾玖首	
卷之十三		
徐昌穀全集	卷一 總目	二
七言絕句	凡捌拾貳首	右第叁帙
卷之十四		
書論	凡柒首	
卷之十五		
記序	凡壹拾首	
卷之十六		
碑銘誄偈	凡伍首	
文頌贊	凡壹拾貳首	右第肆帙
總目錄		

徐昌穀全集一卷目次	
賦	
反反騷賦	并序
放言賦	
弔故宮賦	
玄思賦	
醜女賦	
濟淮賦	
述征賦	
徐昌穀全集	卷一 目次
懷歸賦	
申祇賦	
喜雨賦	已上見正集
卷一 目次	

徐昌穀全集卷一

吳郡徐禎卿昌穀著

明後學周文華孔章校

賦

反反騷賦 并序

昔揚雄作反騷論者多過之予閱原之舍忠墮鬱且後獲謗遂援筆慷慨賦反反騷辭曰

稽邛氏之攸肇兮繫楚均之遐徙居帝項之流靡兮

承靈澤之汪澈夙陳力於皇軌兮歆仁朗之所廬反

徐昌穀全集 卷一

一

賦

仰吾均之潔脩兮義伏羲而引軀播昌烈之赫煜

集衆芳之菲菲憤遭世之眊濁兮雜紛揚於江水池

在炎漢之微季兮孰臨睨而悼均投束蓀之欲麗兮

何理拙而誹深寃志而抑道兮冀披誦而有明惟帝

監之孔嚴兮敢黨族而誣貞初均幼志於粹清兮乃

中情之獨與寒厲節以植身子喜浩蕩之脩譽進疊

疊於中行兮恐日月之凋邁準前脩以共蹈兮追先

時而遂敗約性行以赴矩兮經五常以綴佩靈脩謂

其允淋兮目成歡而叶妃夫均既沐靈脩之昵澤兮

又信言之噲噲荀中路而遷好兮寧予心是有介汎

光華之的皪兮覩眇眇而妬之何有懼讒與招惠子

排蛾眉而錯之颺蕙服之芬郁兮遭紛媚而幽毀寧

遭幽以送斥子敢詭汙而合穢鳳凰翔林而挂網子

龍行陸而困蟻為鳳凰神龍豈無知子亦處身之多

虞所貴賢者之韞玉兮不迷邦而遐舉泉宗社之不

長子比干皇皇而不忍去世蔑復以相明子心耿耿

以無從涉湘波以南憩子昭均心之確忠俗業蕭而

鄣蘭子寔重華之所醜効精白以殞軀兮自堯舜之

徐昌穀全集 卷一

一

賦

所厚奉靈氣之玄莖子申以巫咸之嘉謨覽九州以

求匹子寧閨客之有淋測神占其未然兮豈均曾好

此謠疑論從人以辱義兮不如赴身於淤泥餐秀芬

以介齒兮竟河清之難俟遠苟生以保譽子夫何悔

於九死泛浮雲之翳翳兮晦沈茫其曷排陽陵微而

瀚度子晨北風又雨靈精徘徊而不去子憑拙誠其

未與人情重於捐故子焉冀白日之回光懷薜蘿典

莊蘅子時不與其有芳雜緹柱以颺波兮馥烈烈其

彌車積氣通於至清子神髣髴以憑虛駕玉蚪與雲

騁子訪太素之舊廬聞至道其可承兮欽均誠之匪
懈舍佚遊以自湛兮夫何以誅其好怪者貞士之象
仁兮憤伏覽而靡悔務光沉於淵瀨兮將惡浮埃之
靈靈忠賢切切以苦身兮蓋有隱於陳祚題三仁之
所裁兮見嘆譽於孔父獨耿耿而觀侮兮曾吾均之
所尤日即想之惟誠子駢執止於陽侯

放言賦

微堪與之盈數兮覽四序之消息紛庶形之總總兮
孰有生而固極朝華榮而夕殞兮零雨驟而日晡
徐昌穀全集 卷一 三

憶者易竭子皦皦者易滅何愚庸之長壽兮懷中
之虞惕植高門與厚利兮為禍起之胚葉聖哲高舉
以超俗子喜身修而名立高明鬼所瞰兮每遭忌而
毀集老氏乃貴乎無為子却嗜慾而粘瘠徒澹泊以
自苦子孰神仙之能執出郭門而遙望兮何丘墳之
歷歷嗟聖愚之異別子曷仙舉之寥寂信先生之北
然子恨脩短之多忒願放志以自娛兮窮生人之玩
溺永逍遙以徜徉兮俟天命之我畢系歌曰
對酒歌嗚嗚天道歎如何出門累累墳墓多死人白

骨相推摩素裳臨穴重跼踟望彼友朋泣如顏遊桂
無還歲迫除超遙乘化會斯須懷憂去去汨精離衆
馬邀行聊自娛

弔故宮賦

陟墟原子望陲靡倚國門荒衍寥廓宮闈殘墟堊
喋堊境土夢迤馳道傾沛鞠為陌阡秀麥含榮蔭蔭
芊芊雜草蒙歛叢葛幡幡菲子散子螢螢連連鳴雉
子飛行樹蔚著烏燕黃雀羣飛翔翔疾風揚塵決暖
蔽天四望鬱兮愴可憐也念彼壯夫亦有嘆也
徐昌穀全集 卷一

玄思賦

靜潛思以濡翰假暇逸以優游馳墳史之秘區獵遺
德之皇流咨洪纖於淵悉歷上下而旁搜降百氏之
藩囿陟鉅匠之崇丘思窮入於無象氣橫沛於九州
然後合組繪而綜緯摠英藻而外彪總天地之綱維
極人事之顯幽昭三五之明烈贊王國之徽猷仰雲
門而振步馮英輅而上浮依陽景之末耀軼世路而

獨遊

醜女賦

伊何賦形獲此醜疾屬陰乘陽女奪男質蕭關豐咤
突頰仰鼻多言舌濁連引躬軀形如死豕勇愁多力
槁髮短禿面目黧黑脂不能赭粉不能白三十不嫁
守信閨闔供勞梓曰蚤夜弗息鷄鳴入機沒暮下織
復有巧慧刺繡綠飾世無梁鴻孰求子匹東家有女
窈窕麗色絕世無雙妖媚輕側越戶闚牆靡識刀尺
親者稱豔競欲求得世降道涼好色競聽新聲廢

徐昌穀全集 卷一

五

谷風見黜周廢妲已靡吝喪國晉愛驪姬宋棄
冶容作厲寔猶鬼域敢告世人敢監明則

濟淮賦

惟神淮之巨體子緯后土而紆流邇遐睇以寬源
指桐柏之靈丘求禹甸之鴻跡子引襟袍於揚州
南國之險限子輔皇畿之壯猷放洪波而東注子担
日夜之滔滔沛汾汾以騰衍子凌震怒於陽侯川風
為馮而卒奏子雲景暖而上浮龜魚翔而沉踊子鳴
重淵之卧蚪榜人戒舟以並濟子奮羣機而泝游乘

中流而極望子驚長湍之不道

述征賦

歲大呂之季律予戒行於上都愬北風之慘慄掩霏
雪以遐徂愁長路之不極諒役車於周詩聊騁日以
宣憂愴懷土而興思歷維揚之故城背大江之皇賦
悲窮野之寥闕憇淮陰之城隅訪王孫之遺蹟謁漂
母於空祠哀智傑之有窮宣民生之多罹惟往昔而
顧念心搖搖而夕悲遠明發而振楫遂曠曉以遐辭

懷歸賦

徐昌穀全集 卷一

六

松壽閣

永濡跡於都邑歷壯覽以徘徊仰桂殿之宏麗峙天
關之崔嵬配辰極以作極扼喉襟之要樞臨飛閣之
杳眇倚曲檻而躊躇望靡靡而無畔靡千里而立夷
懷句吳之下邑嗟隔越之可悲心愴愴以增戀寬營
營而外馳宣茲土之匪樂哀故鄉之日遠望浮雲之
南翔慕征鳥之東蜚嘆予躬之棲旅長淹留以何極
大風鬱其少興振四野之黃埃天慘惻而沈晦失南
北之與隄樹木懷其號嗷鳥索羣而鳴哀愁塞耳而
顛皇憊愁思之彌彌夜展側而不寐步客庭而踟躕

戒膏秣以至旦逝言返乎舊廬

申祇賦

何先后之靈渾兮蒙覆鞠之資成際皇祇之清吉子
仰階符之鴻明託纖質之昭泚子竊自懼於登豆每
夙夜而震惕子惟恐忝乎所生念先烈之警敎子或
逢述而沾濡嗟印躬之縣穉子敢不申戒而秉誠
手足而敬恤兮慕曾氏之易矩臨淵冰而戰兢子乃
恭人之攸武遵先民以踐則子奉徽猷以作程
烈之綏屬子敢取尤而忘傾軋剛動之無常
徐昌穀全集 卷一

哲之保身欽禱嘗之在難子勉守緇以
之執一子崇尚權之得鈞涉詬惠而英濟
而傍觀希練達之完命子苦愚闇之竊名
所屆子何得喪之紛紛道廣博其莫周子
可棲天蓋高而矇視子靡脩正而福偕夫
所受兮知者謝福而靡災先聖經夫大易
手後載奉神筮以推用子玩函占以繼事
遠辱兮庶不愧乎宗祀

喜雨賦

奄重雲之斐合沛甘澍之祁祁遂烈職之蘊
石之銷糜草木遂其蕃郁禾黍生而依依遊
淵伏飛鳥樂於深枝於是行人休息而解
笠而于菑洽王澤於四國詠豐年於周詩

卷一畢

徐昌穀全集 卷一

八

缺第六頁口面。